

Sistem amaran banjir siap Disember ini

DUNGUN - Program Ramalan dan Amaran Banjir Negara (PRABN) fasa pertama di Terengganu, Pahang dan Kelantan kini hampir 50 peratus siap.

Menterinya, Datuk Seri Dr. Wan Junaidi Tuanku Jaafar berkata, PRABN di ketiga-tiga negeri Pantai Timur itu yang menelan kos kira-kira RM150 juta dijangka siap sepenuhnya pada penghujung tahun ini.

“Sistem ini mampu membuat jangkaan berlaku banjir sehingga 95 peratus tepat dan ramalan seawal tujuh hari sebelum bencana itu terjadi.

“Ia memudahkan agensi penyelamat seperti Angkatan Pertahanan Awam Malaysia (APM) dan Agensi Pengurusan Bencana Negara membuat persedi-

aan awal menghadapi bencana tersebut,” katanya kepada pemberita ketika melakukan lawatan kerja di pusat pemindahan banjir di Sekolah Kebangsaan Durian Mentangau, Paka di sini semalam.

Turut hadir Pengarah APM Terengganu, Leftenan Kolonel (PA) Che Adam A. Rahman, Pegawai Daerah Dungun, Datuk Mat Yasim Awang dan Yang Dipertua Majlis Perbandaran Dungun, Ibrahim Mohamad.

Wan Junaidi berkata, sekiranya PRABN di negeri-negeri Pantai Timur itu memberi kesan baik, program sama akan dilaksanakan di seluruh negara tahun depan secara berperingkat-peringkat dengan anggaran kos kira-kira RM500 juta.